

1610

Senatus
responsum.

men non ejusmodi erant, ut Patres ab eorum temperatis consiliis, atque ab amicitia, quam cum Regibus semper excoluerant, dimovere possent. Cum igitur in neutram partem propendere e republica arbitrarentur, ita Henrico Senatus consulto respondendum censuere: *Ingentes ei a Republica gratias haberi, quod penitiora illius consilia sibi aperuisset; quod de exornanda atque augenda Republica adeo se sollicitum esse significaret; illius singularem prudentiam atque animi magnitudinem paribus laudibus efferre atque assequi non posse: verumtamen Reipublicæ, quæ per tot annos alta pace potita sit, providendum esse, ut in Italia quies tranquillitasque servetur: omnia demum felicia ac prospera Regi exoptare; ac si quid in Condæi Principis negotio agere Senatus possit, id ultro offerre.* Henricus, paucis ad priorem Senatus consulti partem adjectis, respondit, quippe qui parum suis consiliis Senatus decretum respondere animadverteret: de altera summas Patribus gratias egit.

Sabaudia
Ducis cum
Henrico
Rege con-
junctio &
pacta.

Interea Allobrox, diu multumque rationibus subductis, tandem se Henrico adjunxit, atque Gallicas partes sequi decrevit. Majoris natu Regis filia cum Victorio Principe trecentorum aureorum millium dote connubium pactum; quinquaginta millia sponso; triginta Mauritio Cardinali; viginti Thomæ, tertio Ducis filio, annuæ pensionis nomine promissa. Hæc licet jam erumperent, studiose adhuc silentio premebantur; donec, firmioribus radicibus subnixo foedere, altiora consilia concoquerentur. Quod ut quam primum fieret, postulatis initio cunctis fere a Bolæo Augustæ Taurinorum, ac Trolæonio Caroli a secretis Lutetiæ discussis, colloquium, quo omnia stabilirentur, haberi placuit. Brusolum, haud longe Taurino oppidum, ad id lectum; eo in conventu, ut nuptiæ inter filiam Henrici natu majorem ac Sabaudia Principem statim promulgarentur, decretum. Belli gerendi ratio constituta, ut eodem tempore Henricus in Menapios, Allobrox in Insubres impetum faceret, præpotentibus Gallorum atque Helvetiorum copiis, quæ triginta circiter millia numero æquabant. Inter foederatos Angliæ Rex, Batavi, ac Germani Principes adnumerabantur; qui nuper Halæ Suevorum, ad Germaniæ libertatem tuendam, societate inita, Henricum

Henricus
Rex, foederis
principes in
Halæ con-
ventu re-
nuntiatur.

illius